



**MEDIA YO'RIQNOMA  
2025**



# ATAMALAR



- **Mikst-zona** – Musobaqa yakunida OAV vakillari futbolchilar, murabbiylar va rasmiy shaxslardan intervyu olishi uchun mo'ljallangan, jamoalarning kiyinish xonasidan boshlab, ularning avtobusigacha bo'lgan maxsus harakatlanish hududi



- **Flesh-intervyu** – Musobaqa yakuniga yetgach, futbolchi yoki murabbiy bilan maydon chetida ajratilgan maxsus hududda uyushtiriladigan qisqa intervyu



**PRE – bosma davriy, radio va internet OAV uchun mo‘ljallangan akkreditatsiya. Mazkur akkreditatsiya tadbir yoki musobaqa o‘tkazilayotgan joydagi media tribuna, matbuot markazi, matbuot anjumanlari zali, shuningdek, mikst-zonaga kirish huquqini beradi**

**PHO – fotomuxbirlar uchun mo‘ljallangan akkreditatsiya. Mazkur akkreditatsiya musobaqa o‘tkazilayotgan joydagi matbuot markazi va matbuot anjumanlari zaliga kirish, shuningdek, musobaqa vaqtida maydon chetida (suratga olish uchun maxsus ajratilgan hudud – darvozalar ortida) faoliyat olib borish huquqini beradi**







**HB – Musobaqani translyatsiya qilish huquqiga ega bo‘lgan telekanal uchun mo‘ljallangan akkreditatsiya. Mazkur akkreditatsiya tadbir yoki musobaqa o‘tkazilayotgan joydagi media tribunaga, matbuot markazi va matbuot anjumanlari zaliga, musobaqa startiga qadar jamoalarning kiyinish xonasiga (o‘yin komissari bilan kelishilgan holda belgilangan vaqt oralig‘ida), mikst-zonaga, shuningdek, maydon chetida (suratga olish uchun maxsus ajratilgan hududda) turish huquqini beradi**



**NRH – Tadbir yoki musobaqani translyatsiya qilish huquqiga ega bo‘lmagan telekanal va/yoki boshqa platformalar vakili uchun akkreditatsiya. Mazkur akkreditatsiya musobaqa davom etayotgan vaqtda qisman (uzluksiz bo‘lmagan), o‘yinoldi va o‘yindan keyingi jarayonlarni esa to‘liq tasvirga tushirish imkoni mavjud. Mazkur akkreditatsiyaga ega bo‘lgan OAV vakiliga matbuot markazi va matbuot anjumanlari zaliga kirish, shuningdek, maydon chetida (suratga olish uchun maxsus ajratilgan hudud – darvozalar ortida) turish huquqi beriladi. Bunda uning o‘yin paytida bir darvoza ortidan ikkinchi darvoza ortiga harakatlanishi taqiqlanadi. Bir darvoza ortidan ikkinchi darvoza ortiga o‘tib olish uchun tanaffus vaqtida ruxsat etiladi**



**OAV o'z vakilini akkreditatsiyadan o'tkazishi uchun Liga matbuot xizmati tomonidan rasman e'lon qilingan muddat ichida rasmiy ariza taqdim etishi talab etiladi. Mazkur arizaga akkreditatsiya olishi kerak bo'lgan vakillar ro'yxati ilova qilinadi**

**Liga matbuot xizmati o'z shaxsiy sahifasi mavjud bo'lgan mustaqil jurnalistlar, blogger va vlogerlar uchun ham akkreditatsiya taqdim etishi mumkin. Bunda ariza beruvchining sahifasi va uning kontenti tashkilot tomonidan**

**o'rganib chiqiladi. Liga lozim topmagan sahifa yurituvchisi uchun akkreditatsiya berilmaydi**



OAV vakillari jurnalistik odob-axloq hamda etika normalariga qat'iy rioya qilishlari lozim. Shuningdek, Liga akkreditatsiyasiga ega OAV quyidagilarga rioya qilishi lozim:

- Liga ramzlaridan tijoriy maqsadlarda rasmiy ruxsatsiz foydalanmaslik;
- Liga bilan bog'liq axborot e'lon qilinayotganda faktlarga Liga matbuot xizmati orqali aniqlik kiritib olish;
- Liga tomonidan o'tkaziladigan Musobaqa yoritilayotganda matnlarda musobaqaning rasmiy nomini to'liq ko'rsatish.
  - Liga akkreditatsiyadan o'tgan OAV vakillarining tadbir yoki musobaqa o'tkazilayotgan hududga taqdim etilgan akkreditatsiya yordamida bepul kirishini ta'minlaydi.
  - Liga tomonidan o'tkazilgan tadbir yoki musobaqaga tegishli videoyozuv va fotosuratlardan tijoriy maqsadlarda foydalanish faqatgina Liga bilan rasmiy kelishuv asosida amalga oshiriladi.
  - Akkreditatsiyadan o'tmaslik O'zbekiston Respublikasining "Ommaviy axborot vositalari to'g'risida"gi qonunida belgilangan jurnalistlarning huquqlariga dahl qilmaydi



# KLUB MATBUOT XIZMATI VAZIFALARI

- Klub matbuot kotibi OAV bilan aloqalar o'rnatish, jamoatchilik orasida klub imijini shakllantirish, klub faoliyatini yoritib borish bilan shug'ullanadi va bu borada Liga media xizmati bilan hamkorlik qiladi.
- Matbuot kotibi o'zi faoliyat olib borayotgan klubga tegishli tadbirlar va musobaqalar o'tkazishda bevosita ishtirok etadi hamda rasmiy sahifalarda e'lon qilingan materiallar uchun javobgar hisoblanadi.
- Musobaqalar davomida klub matbuot kotibining uy va safar uchrashuvlarida to'liq ishtirok etishi majburiy hisoblanadi.
- Musobaqalardan keyingi matbuot anjumanini tashkil etish va o'tkazish uchun mezbon klub matbuot kotibi javobgar hisoblanadi.
- Matbuot anjumanida ishtirok etadigan murabbiy yoki futbolchi xorijlik bo'lib, o'zbek tilida so'zlasha olmasa, u bilan shartnoma imzolagan klub mazkur rasmiy shaxs nutqini o'zbek tiliga tarjima qilish uchun tarjimon yollagan bo'lishi talab etiladi.
- Mezbon klub matbuot kotibi uy uchrashuvlari uchun Musobaqaga oid ma'lumotlar aks etgan dasturnomalar tayyorlashi va ularni stadiongga tashrif buyurgan OAV vakillariga taqdim etishi tavsiya etiladi.
- Media-tribuna, matbuot anjumanlari zali va media-markazga rasmiy tadbirlar vaqtida OAV xodimlaridan tashqari boshqa shaxslar kiritilishi taqiqlanadi. Bu uchun klub matbuot kotibi mas'uldir.
- Media-tribuna, matbuot anjumanlari zali va media-markaz tezkor wifi bilan ta'minlangan bo'lishi shart.



# MATBUOT KOTIBLARI



**SHUHRATBEK  
JO'RAYEV**

**93 410-69-80**  
SHUHRATBEK\_FE@MAIL.RU



**FURQAT  
NISHONOV**

**97 130-62-56**  
FURQATBEK1986NISHONOV@GMAIL.COM



**NAZIR  
NURULLAYEV**

**91 310-17-17**  
NAZIRPFC@GMAIL.COM



**USMON  
IBODOV**

**90 657-56-40**  
USMON-IBODOV@RAMBLER.RU



**BUNYOD  
ANDAYEV**

**93 590-02-70**  
BUNIKBUNIKO@GMAIL.COM



**SARDOR  
NUROV**

**91 456-02-22**  
SARDORNUROV@GMAIL.COM



**ULUG'BEK  
UMAROV**

**91 341-75-07**  
ULUGBEK7526@GMAIL.COM



**SAIDAFZAL  
ABDULLAYEV**

**91 688-58-58**  
NEFT62@GMAIL.COM



**ABBOSBEK  
MAVLONOV**

**99 463-59-74**  
ABBOSBEKMAVLONOV@GMAIL.COM



**BEHZOD  
NAZAROV**

**98 302-32-16**  
NAZAROVFE@GMAIL.COM



**AZIZ  
NUROV**

**97 780-98-08**  
AZIZBEK\_7@MAIL.RU



**NIG'MONXO'JA  
NOZIMOV**

**99 918-30-09**  
NIGMONXOJAN@GMAIL.COM



**YEVDOKIM  
RAIMOV**

**90 502-69-23**  
IAMRAIMOV1991@GMAIL.COM



**OYBEK  
SAPARBOYEV**

**91 195-52-50**  
OYBEKDJAN@MAIL.RU



**BOBURBEK  
BOBOJONOV**

**93 861-04-12**  
BOBURBEK0723@GMAIL.COM



**FARRUH  
MAHMUDOV**

**91 455-06-60**  
SHURTANMEDIA@GMAIL.COM



- **Mezbon klub matbuot kotibi uchrashuvni yoritish uchun tashrif buyurgan videooperatorlar va fotomuxbirlarga maxsus nimchalar taqdim etishi lozim. Videooperatorlar va fotomuxbirlar uchrashuv davomida nimchalarda faoliyat olib borishi masalasi uchun klub matbuot xizmati javobgar hisoblanadi.**




**MAJBURIY**



**TAVSIYA ETILADI**



- **Har bir klub o‘z rasmiy veb-saytiga ega bo‘lishi shart va ijtimoiy tarmoqlarda ham sahifalari bo‘lishi tavsiya etiladi. Klub matbuot kotibi vebsaytning barqaror faoliyat olib borishi uchun javobgar hisoblanadi.**



- **Matbuot anjumani vaqtida HB akkreditatsiyaga ega boʻlgan operator kamerasi videooperatorlar uchun maxsus joyning markaziy qismiga qoʻyilishi boʻyicha ustuvor huquqqa ega hisoblanadi. NRH akkreditatsiyasiga ega xodimlar shundan kelib chiqib, oʻz pozitsiyalarini aniqlab olishlari talab etiladi.**




# MATBUOT ANJUMANI



- **Musobaqa yakunlanganligini bildiruvchi hakam hushtagidan keyingi 15 daqiqa oralig'ida klublar bosh murabbiylari ishtirokida matbuot anjumani boshlanishi kerak.**


**Musobaqadan keyingi matbuot anjumanida birinchi bo'lib mehmon jamoa bosh murabbiyi ishtirok etadi.**

**Musobaqa yakunida o'tkaziladigan matbuot anjumanida Liga matbuot xizmati tomonidan taqdim etilgan akkreditatsiyasi mavjud bo'lgan OAV vakillari ishtirok etishiga ruxsat beriladi. Liga matbuot xizmati ro'yxatdan o'tgan OAV va ularning vakillari bo'yicha ma'lumotlar bazasini shakllantiradi.**



**PHO AKKREDITATSIYASI HAMDA NIMCHASIGA EGA OAV XODIMLARI UCHUN RUXSAT ETILGAN HUDUDLAR.**

**AKKREDITATSIYA EGASI O'Z AKKREDITATSIYASIDA KO'RSATILMAGAN HUDUD BO'YLAB HARAKATLANISHI TAQIQLANADI.**



**OAV XODIMLARINING O'ZIGA TEGISHLI BO'LMAGAN HUDUDLARDA BO'LISHI, AYNIQSA, JAMOA TEXNIK HUDUDIGA KIRISHI, NIMCHASIZ MAYDON ATROFIDA HARAKATLANISHI VA ISHLASHI TAQIQLANADI.**



# AKKREDITATSIYA OLIISH TARTIBI



- **Liga Matbuot xizmati akkreditatsiya jarayoni boshlanishi oldidan OAV vakillarini akkreditatsiya jarayonidan o‘tkazish boshlangani, uning muddati va ariza berish qoidalari hamda tartibi to‘g‘risida o‘z rasmiy sayti — [www.pfl.uz](http://www.pfl.uz) orqali ma’lum qiladi.**
- **OAV vakilini akkreditatsiyadan o‘tkazish uchun beriladigan ariza OAV vakilini akkreditatsiyadan o‘tkazish uchun asos hisoblanadi. Istisno holatlarda Liga OAV vakili uchun akkreditatsiya bermaslik huquqiga ega. Bunda Liga akkreditatsiya nima uchun taqdim etilmayotgani izohlangan rasmiy ma’lumotni OAV uchun taqdim etadi.**
- **Akkreditatsiya olish uchun OAV Liga tomonidan taqdim etilgan shaklda ariza varaqasini to‘ldirishi lozim. Mazkur ariza OAV bosh muharriri (erkin jurnalistlar uchun akkreditatsiya talabgori) imzosi va tashkilot muhri bilan tasdiqlangan bo‘lishi shart. Ariza varaqasiga akkreditatsiya talabgorining ism-sharifi ilova qilinadi. Akkreditatsiyaga ilovada ko‘rsatilgani bo‘yicha ism familiya yoziladi. Bunda OAV vakilining ism-sharifi uning fuqarolik pasportida aks etgan ism-sharifi ko‘rinishida bo‘lishi kerak. Akkreditatsiya olishda taxallus yoki boshqa ko‘rinishdagi niklardan foydalanganlik holati aniqlansa, bu holatda akkreditatsiya berilmaydi. Ariza varaqasiga OAV vakilining rasmiy uslubdagi elektron fotosurati ilova qilinishi kerak. Liga fotosurat sifatidan kelib chiqib, OAV vakilidan fotosuratni o‘zgartirib berishni talab qilishga haqli. Yuqorida talab etilgan hujjatlar elektron nusxada Liga elektron pochta — [media@pfl.uz](mailto:media@pfl.uz) manziliga yuboriladi.**



# AKKREDITATSIYA OLIISH TARTIBI

- Liga akkreditatsiya taqdim etish jarayonida ehtimoliy yuzaga kelishi mumkin bo'lgan manfaatlar to'qnashuvidan kelib chiqib, quyidagi mezonlarga ketma-ketlik tamoyili asosida tayanishi mumkin:
  - rasmiy hamkorlar va Liga axborot hamkorlari;
  - futbol sohasiga ixtisoslashgan OAV;
  - sport haqida xabarlar lentasiga ega OAV;
  - boshqa sohaga ixtisoslashgan OAV.
- Tadbir yoki musobaqa o'tkaziladigan joy OAV vakillarini cheklangan miqdorda sig'dira olsa va akkreditatsiya uchun berilgan arizalar soni o'sha miqdordan oshib ketsa, Liga matbuot xizmati faqatgina muhimlilik darajasiga ko'ra OAV xodimlariga akkreditatsiya berish va akkreditatsiya sonini cheklash huquqiga ega. Mazkur holatda klub matbuot xizmati ushbu yo'riqnomada ko'rsatilgan shartlar asosida maxsus ro'yxat shakllantiradi
- Akkreditatsiya olish jarayonida mazkur yo'riqnoma qoidalariga amal qilmaslik, shuningdek, tadbir yoki musobaqa o'tkaziladigan joy OAV vakillarini cheklangan miqdorda sig'dira olsa, mazkur holat OAV uchun akkreditatsiya berishni rad etish uchun asos bo'ladi. Bunday holatlarda bir OAV uchun beriladigan akkreditatsiyalar soni Liga matbuot xizmati tomonidan belgilanadi.
- Akkreditatsiya berish yoki uni rad etish akkreditatsiya uchun ariza qabul qilingan muddatdan keyingi 3 kun ichida Liga matbuot xizmati rahbari tomonidan hal qilinadi.
- Akkreditatsiyani qalbakilashtirish O'zbekiston Respublikasi qonunchiligiga asosan tegishli tartibda javobgarlikni vujudga keltiradi.



# AKKREDITATSIYADAN MAHRUM QILISH



- **Akkreditatsiyadan mahrum qilish mazkur yo'riqnoma qoidalarining buzilishi oqibatida belgilangan jazoni bildirib, bunda Liga tegishli OAV yoki OAV vakilini tadbir va musobaqa uchun akkreditatsiya kartasini muayyan muddatga bekor qiladi.**
- **Akkreditatsiyadan mahrum qilish jazosi mazkur Yo'riqnoma qoidalari yoki O'zbekiston Respublikasi qonunchiligidan kelib chiqqan holda, tegishli OAVga ham, OAV vakiliga ham qo'llanilishi mumkin.**
- **OAV vakili Liga faoliyati, tadbir yoki musobaqalari haqida tashkilot imidjiga putur yetkazishi mumkin bo'lgan darajada noto'g'ri, buzib ko'rsatilgan ma'lumotlar bilan chiqish qilsa, tadbir yoki musobaqa o'tkazilayotgan joyda axloq, tartib-intizom normalariga rioya qilmasa, bu uning akkreditatsiyadan mahrum qilinishiga olib keladi. OAVning asoslantirilgan taklifidan kelib chiqib, Liga mazkur Yo'riqnoma bandlariga o'zgartish va qo'shimchalar kiritishi mumkin.**

